

西南卷



地

方

志

人

物

傳

記

資料叢刊

國家圖書館編

國家圖書館出版社

汪承烈修 鄧方達等纂

「民國」宣漢縣志十六卷
(二)

民國二十年(1931)石印本

第五一冊目錄

〔民國〕宣漢縣志十六卷(二) 汪承烈修 鄧方達等

纂 民國二十年(1931)石印本

人物志五	一
壽母	二
賢母	一五
孝婦	一七
貞婦	三二
孝女	三三
貞孝女	三五
貞烈女	三九
節孝婦	四一
節烈婦	一一八
多男婦	一三二

〔道光〕鄰水縣志六卷首一卷 清·曾燦奎劉光第修

清·甘家斌等纂 清道光十五年(1835)刻本

職官志	一三五
題名	一三五
政績	一四三
選舉志	一四七
進士	一四七
舉人	一四八
貢生	一四九
援例授職	一五二
武科	一五三
行伍	一五三
人物志	一五四
名宦	一五四

理學	一五七
忠義	一五八
陣亡	一五九
孝友	一六二
德望	一六四
行誼	一六六
耆碩	一六七
隱逸	一七〇
義士	一七一
列女	一七三
僑寓	一八七
老釋	一八八
封贈	一九〇
誥勅	一九三
陰襲	二〇二
藝文志	二〇二
傳	二〇二

〔民國〕大竹縣志十六卷 鄭國翰曾藏藻修 陳步武	
江三乘纂 民國十七年(1928)鉛印本	
職官志	二一七
明清職官	二一七
民國職官	二四九
政績	二六一
選舉志	二九五
科貢	二九五
仕進	三二一
封蔭	三三七
高級學校畢業	三四一
人物志	三五三
名宦	三五三
宦業	三五八
儒林	三八九
文苑	四一五
孝友	四二五
忠義	四四三

卓行	四七三
耆壽	五一七
壽婦	五四三

流寓	五四九
仙釋	五五五
列女	五六三

重修宣漢縣志卷十四

雲隱向可襄編輯

人物志五

壽母 賢母 孝婦 賢婦 貞婦 孝女 貞女
節孝婦下編 節孝婦上編 節孝婦中編 節孝婦外編 節孝婦 多男婦

婦人從一而終古以比之忠臣烈士當矣清高宗嘗下詔非之者以行不貴苟難非無取於志節也然垂老夫婦五世同堂此亦人生之樂事彼青年苦節志凜冰燭豈其始願哉故是編以壽母為先賢母孝如賢婦貞婦次之孝女貞孝女貞烈女又次之孝女惟錄報仇及父母無子不嫁而終養或割股者貞孝則已曾字人娶有吉日而夫死者他皆不寓焉貞烈則不為強暴所污及不肯作妾而自盡者也不以孝居首

者孝正欲其親之壽亦說文以子承老曰孝之義又次節孝而以撫子承嗣者先之次撫孤次無子而未撫子承嗣者重立後也次節烈事出非常慷慨自決不降志不辱身鬚眉男子猶多昧之死女婦乎他如黎氏之一產三男任氏之一母而生十二子又志之所絕無而僅有者附於後言種族競爭者當有所得焉

壽母

張王氏張萬年妻享年一百零四歲五世同堂嘉慶十二年援例旌表御勅貞壽之門匾額又恩賜緞一疋銀十兩

楊唐氏楊先明之妻楊煌之母也年十六歸先明二十九而先明

卒氏紡績勤勞奉養舅姑教子成立邑令李題其閭曰節比
松筠守節六十四年享壽九十餘歲五世同堂嘉慶十三年
旌表建坊給與慶衍期頤匾額

向張氏向承祿之妻年九十六歲能自穿針引線家赤貧處之裕
如鄰里或憐而餽贈者若疾聲厲色不受也

陳羅氏陳琯之妻年十九夫歿矢志守節撫遺腹子成立五世同
堂享年八十五歲

蕭郭氏蕭 之妻享年九十歲

王胡氏王 之妻守節孝親終身不懈享年八十餘歲光緒十
二年邑令張繼呈請旌表

祝王氏祝九皋之妻傳家忠厚教子有方享年九十五歲

桂趙氏桂之妻享年九十五歲

桂任氏桂之妻享年九十九歲

胡向氏胡先育之妻享年九十八歲

任苟氏任學政之妻享年九十七歲

龔彭氏龔其杰之妻享年九十六歲

龔文氏龔啟儒之妻享年九十三歲

覃李氏覃士之妻享年九十六歲

徐何氏監生徐世祿之妻好善樂施子孫四世同居享年九十一

歲而卒

周康氏康大開之女周德盛之妻年二十八夫歿家貧苦節事姑以孝敬子有方奉旨准予建坊享年一百零二歲其三子進元亦享大年里人頌之以孝友可風匾額

劉伏氏南部人父名天錫年十九嫁劉興昌興昌中年死氏撫其子樹生成立享年八十五歲五世同堂

符彭氏下八廟場符禮門之母享年一百零三歲民國十四年教育局長熊開文呈請褒揚

符冉氏廩生符杜穆之母享年九十五歲

附錄鄧方達符母冉太君九十壽序

皇上御極之二十年慈禧太皇太后六旬大慶皇上親製表章

恭上徽號頒詔天下錫類推恩於時天下之為人子若孫有
父母或大父母者莫不為其父母大父母敬華筵會親友冰
枕火棗雜陳瑤軸錦屏交映記曰上老老而民興孝豈不信
哉符母冉太君壽九十蓬仙孔目其冢嗣也暨弟朗如巡檢
杜穆茂才亦將以其母設悅之辰謀所以極榮彩之娛徵言
於達曰願有述達惟人之生也父母一德也而言教則母統
於父事重父則畧母重母則畧父理固然也然吾觀古今來
固有宜屬之父而竟屬之母者即其人之自白於人亦且相
忘於父而極不忘於母蘇明允之教子也非不善也而志謂
其母程太夫人者能口授二子以書至所督課亦復多稱程

太夫人申國夫人之於呂榮公也亦然上谷郡君之於二程夫子也亦然豈明允正獻公大中大夫顧不教其子哉乃今觀於太君與三子之授太君者而曉然矣太君篤安先生姊也再固邑中巨族為參議公後居城中先生舊從舅氏王介亭受讀於居為鄰太君日聆其課子弟書輒默識成誦人弗覺也歸州別駕壽三公符氏又邑中望族也壽三公為小山公次子小山公以龔叅軍之甥游羅壯勇天鵬之幕家人或為太君難比太君歸一門靡不賢太君者以故壽三公得以從名士大夫游若楊孝廉廣堂閩貢士廣慶其著也壽三公既好游太君操閩政遂日舉其默誦之書口授三子稍長則

以次囑篤安先生旦出暮歸篝燈讀書仍躬親督責之雖熊
丸菽畫不過也達與三君為同硯友最久最悉先生為邑名
儒以明經終門下採芹食饒掇科者數十人前後令尹咸尊
慕而事太君甚嚴每昕夕自學歸經太君門必入侍太君坐
溫語有間方去及進學亦如之且無歲不如之達幼時見而
異之竊心識之豈先生之教三君者皆太君之教之耶抑不
僅教三君然也是烏從而知之耶太君姑氏崔蚤卒繼厯事
杜向兩姑咸能得其歡心伯仲西世父卒出教賢經營葬事
兼撫其弱息其他好善樂施同族中蒙其利賴者尤更僕難
數已而痛少微之埋光恐箕裘之莫繼則呼蓬僊而勸之曰

爾其身董家政勿撓兩季學達僊唯唯不敢違命提學譚按
臨綏郡朗如杜穆果同獲選杜穆補弟子員己卯遂膺薦
元叔先生試綏復列優等幫增候補其蒸蒸日上方未可量
也非太君督課之優烏至此乎此教之之效宜屬之壽三公
而不得不畧於壽三公者也然則三君之壽之也雖不遇殊
恩亦將油然而生其孝思於不容己也而適遇殊恩則太君
之以德獲壽者又莫之為而為莫之致而致也或曰太君之
先祖姐有茹素僊去者太君夙慕之故晚居林下亦持戒不
茹葷以此得躋上壽然歟否歟書此以佐觥云

符陳氏太學生符超元之妻武庠生培德之母享年八十一歲

王任氏王錫儒之妻享年八十歲

王嚴氏文生王恩輔之妻享年八十歲

王任氏文庠王鎮藩之祖母享年百歲

王嚴氏文庠王易成之妻享年八十三歲

王李氏拔貢王煥明之母享年八十四歲

王杜氏王子義之母享年八十四歲

王喻氏王海山之妻享年八十八歲

吳張氏吳景高之祖母享年八十五歲

趙武氏趙登高之妻享年八十四歲

趙宋氏趙尚云之母享年八十七歲

趙何氏趙登友之妻享年八十二歲

趙李氏趙登孝之妻享年八十六歲

潘李氏潘純緯之妻享年九十歲

張李氏張儒道之妻享年八十五歲

張向氏張盛元之妻享年九十四歲

景文氏景成緒之妻享年八十四歲

劉符氏劉大辰之妻華圃之母享年八十四歲

劉周氏劉登高之妻年二十六夫死守節不渝五世同堂享年九

十三歲

劉朱氏劉文治之母享年九十一歲